



ANG

Bayan

Pahayagan ng Partido Komunista ng Pilipinas
Pinapatnubayan ng Marxism-Leninism-Maoismo

Edisyong Hiligaynon

Tuig XLI

Ispesyal nga Isyu

Nobyembre 30, 2010

w.ww.philippinerevolution.net

Malaparan nga pahulagon ang mga pamatan-on para sa inaway banwa

Mensahe sa ika-46 nga anibersaryo sang Kabataang Makabayan

Partido Komunista sang Pilipinas

Nobyembre 30, 2010

Hugot nga nagasaludo ang mga cadre kag katapu sang Partido Komunista sang Pilipinas, mga kumander kag hangaway sang Bag-ong Hangaway sang Banwa, kag tanan nga mga organisasyon kag pwersa sang National Democratic Front of the Philippines sa pagsaulog sang ika-46 anibersaryo sang Kabataang Makabayan (KM).

Sining nagligad nga masobra sa apat kag tunga nga dekada, ang KM ang nagaserbi nga indi mahubsan nga bubon sang mga rebolusyonaryo kag komunista nga nag-ilig sa lain-lain nga prenteng gerilya sang rebolusyonaryong paghimakas halin sa demokratikong kahublagan sang mga pamatan-on kag estudyante kag kahublagan nga propaganda, tubtob sa kahublagan mamumugon, kahublagan kontrapydal kag armandong kahublagan sa kaumhan. Isa ini sa nagtukod kag padayon nga nagaserbi nga mapag-on nga alyado nga organisasyon sang NDFP.

Kabahin ang KM sa

pinakamapag-on nga katuwang sa pagsulong sang demokratikong rebolusyon sang banwa sa idalom sang pagpamuno sang rebolusyonaryong proletaryado kag sa basehang paghiliusa sang mamumugon kag mangunguma. Ginasulong sini ang pagtukod kag pagpabaskog sang patriyotiko kag progresibong alyansa batuk sa imperyalismo kag mga lokal nga kaalyado sining daku nga kumprador burgesya kag agalon nga mayduta. Sa praktika, ang KM amo ang nagaserbi nga Liga sang mga Pamatan-on nga Komunista.

Sa pagsaulog sang anibersaryo sang pagkataukod sini, makabulig sa KM nga maid-id nga tun-an ang panawagan sang Komite Sentral sang PKP para sa pagsulong sang inaway banwa padulong sa haintang sang estratehikong pagkapatas sa masunod nga lima ka tuig. Sa atubang sang labi nga paglubha sang krisis pangkalibutanon nga sistemang kapitalista kag lokal nga nagahari nga sistemang malakolonyal kag malapyudal, kag sa pihak sang grabe nga pagpanghalit kag pagpa-



budlay nga gintuga sang Oplan Bantay Laya sa mga rebolusyonaryong pwersa kag pumuluyo, padayon nga naglapad kag nagkusog ang mga rebolusyonaryo nga pwersa sining nagligad nga dekada. Ara sa pusision sila subong para agumon ang daku nga pag-abanse sa maabot nga tinuig kag isulong ang inaway banwa sa masunod nga estratehi-kong halintang.

Magatungod ang KM kag ang malapad nga militanteng kahublagan sang mga pamatan-on sang malahalon nga papel sa mga rebolusyonaryong pagsulong sa masunod nga lima ka tuig, pareho sang ginatungdan sini sa una nga halintang sang pungsodnon nga pagpalapad sang rebolusyonaryong kahublagan sadtong dekada 1970. Ang pag-abante sang inaway banwa pakadto sa kalitatibo nga mas mataas nga halintang sini hugot nga nakasalig sa dugang nga pagpauswag kag pagpalapad

sang kahublagang masa kag pagmartsa sang minilyon nga pumuluyo sa dalan sang militante kag rebolusyonaryong paghimakas. Linibo nga bag-o nga katapu sang Partido, linibulibo nga Pulang hangaway kag ginatos ka libo nga aktibista sa kasyudaran kag kaumhan ang dapat mapatuhat sa mga maabot nga panahon para sa labi nga pagpauswag nga ini sang kahublagang masa.

Ang pila ka pilo nga pagpapagsik kag pagpalapad sang KM kag ang rebolusyunaryong kahublagan sang kabataan magatungod sang daku nga bahin sa pangkabilugan nga pag-sulong sang rebolusyonaryo nga kahublagang masa. Ang mapagsik nga mga paghulag kag paghimakas sang muklat nga mga pamatan-on sa sulod kag gwa sang ila mga buluthuan ang pagwagayway sang bandera sang rebolusyon pangkultura kag ikaduhang kahublagang propaganda nga nagaserbi nga lingganay nga nagapawagan sa pumuluyo kag bilog nga pungsod nga magbangon kag magbato sa pagkagapos, pagpangulipon, pagpanglupig, kag pagpaantos. Ang pinakatalaksan sang pagkarebolusyonaryo sang kahublagang pamatan-on kag estudyante amo ang hugot nga paghiliusa kag kadalom sang pagkaugat sini sa mga paghimakas kag paghulag sang pigos nga pumuluyo.

Para mahimo ang malaparan nga pagpahulag sa kubay sang pamatan-on, gilayon nga ginaatubang sang KM kag sang mga progresibong organisasyon ang mga pang-adlaw-adlaw nga pa-



laligban sang mga pamatan-on kag estudyante. Sa basehan sang ila mga demokratikong interes, matukod ang lain-lain nga lebel sang paghiliusa sang mga pamatan-on kag estudyante kag maganyat sa lain-lain nga lebel sang porma sang pagpahayag kag paghulag. Responsibilidad sang mga progresibo kag demokratikong pwersa nga pataason ang lebel sang kamuklutan sang mga pamatan-on paagi sa pagplastar sang matalom nga pag-analisa sa mga isyu nga ini, kag pagsakonteksto sini sa mga basehan nga problema pangkatilingban. Dapat ihayag ang ugat sang mga ini sa kontra-nasyunal, kontra-demokratiko kag kontra pumuluyo nga kinaiya sang nagaharing estado kag kagarukan sang gubyerno nga ngagaluntad sa sistema nga pangkatilingban.

Maayo nga halimbawa ang nangin paghulag sang mga pamatan-on, estudyante kag pati mga manunudlo, administrador kag empleyado sa lain-lain nga

ANG *Bayan*

Ispesyal nga Isyu Nobyembre 30, 2010

Ang *Ang Bayan* ginabantala sa lengwahé nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa Philippine Revolution Web Central nga makit-an sa:

www.philippinerevolution.net

Nagabaton ang *Ang Bayan* sang mga kontribusyon sa porma sang mga artikulo kag balita. Ginabuyok man ang mga bimalasa nga magpaabot sang mga saway kag rekomendasyon sa ikauswag sang aton pahayagan. Malabot kami paagi sa e-mail sa:

angbayan@yahoo.com

Ang *Ang Bayan* ginabalhag duha ka beses kada bulan sg Komite Sentral sg Partido Komunista sg Pilipinas

kampus kag syudad sining mga nagligad nga simana batok sa pagbuhin sa badyet sang gubyerno sa mga pangpubliko nga kolehiyo kag unibersidad. Halin diri pwede nga magtukod sang mas malapad pa nga paghiliusa sang mga estudyante kag pamatan-on nga magasakop pati sa mga pribadong buluthuan sa basehan sang komun nga interes batok sa komersyalisasyon sang edukasyon, dugang nga pribatisyon sang sistemang edukasyon kag kakulangan sang suporta sang papet nga reaksyunaryong gubyerno sa edukasyon sa kabilugan. Dugang pa nga paghiliusa sa mas malapad nga pumuluyo ang wedeng matukod sa basehan sang komun nga interes batok sa pagbuhin kag pagdingot nga ginahimo sang rehimeng US-Aquino sa mga butang nga kinahanglanon gastuhan sang pangkatilingban nga

estado, kag para sa panawagan nga bag-uhon ang mga bangian nga prayoridad sang gubyerno.

Ang mga paghulag sang mga pamatan-on kag estudyante sa sulod sang buluthuan kag mga kalye dapat himuong sa pagsulong sang ila mga paghimakas. Ang mga paghulag nga ini pila ka beses pa nga makapabaskog sa paghiliusa sa lain-lain nga demokratikong sektor paagi sa madamuan nga pagpahulag sang mga pamatan-on kag estudyante pagkadto sa mga pabrika kag komunidad sang mga mamumugon kag imol sa syudad, pati sa kaumhan para maiplastar sa pumuluyo ang ila mga problema. Hibal-on ang problema kag paghimakas sang masang anakbalhas; kag magsuportahanay sa paghimakas sa kada isa kag magbuylog sa kumon nga paghimakas sang pumuluyo.

Sa pagpartisipar sang mga pamatan-on kag estudyante sa malaparan nga mga paghimakas sang masa, nagataas ang ila kamuklutan sa mga basehan nga halambalanon nga pangkasaysayan kag pangkatilingban, kag labi nga mangin epektibong propagandista kag organisador indi lamang sa kau-galingon nga kubay kundi sa kubay sang malapad pa nga masa sang pumuluyo. Sa pagpukaw, pag-organisa kag pagpahulag sang KM sa pinakamalapad nga isip sang kabataan kag estudyante kag pag-organisa nila sang iban pa nga mga demokratiko kag pigos nga sektor, makabulig sila sa madasig nga pag-abante sang pungsodnon-demokratikong paghimakas sa kabilugan.

Kinahanglan nga malabot

sang KM ang signipikante nga paglapad kadungan sang kalitatibong pagpagsik sang kahublagang kag mga paghimakas sang kabataan kag estudyante. Sa sini epektibo nga masabat sang KM ang kabahin sini sa pangkabilugang target sang pagsulong sang inaway banwa sa masunoond nga lima ka tuig.

Dapat may bulanan nga target sang pagpalapad ang mga sanga sang KM para abuton ang kalitatibong paglapad kada kwarto kag kada semestre sa masunod nga mga tuig. Dapat himuong ang pangkabilugan kag partikular nga plano kag mga taktika sa pagpapalapad. Tukuron ang nagakadapat nga mga komite nga magdumala sa rekrutment. Kada isa ka katapu dapat may target kag hatagan sang ikasarang sa pagrekrut. Tum-ukan ang pag-oorganisa sang KM kag mga progresibo nga organisasyon sang mga kabataan sa mga komunidad kag pabrika.

Dapat pat-uron nga ang mga bag-o nga rekrut gilayon nga mahatagan sang malip-ot nga kursong sektoral kag pangkabilugang pungsodnon-demokratikong edukasyon. Pat-uron nga gilayon ini nga masundan ang pagtuon nahanungod sa sosyedad kag rebolusyong Filipino. Papagsikon ang mga pagtuon gamit ang bag-o kag mauswagon nga pamaagi pareho sang bidyo kag mga presentasyon gamit ang mga kompyuter, *cellphone*, kag iban pa. Palapnagon sa internet ang tanan nga materyales pang-edukasyon. Dapat madasig sila nga ginahanas sa pagrekrut, pagpahulag, kag



pagpropaganda sa mga bag-o nga katapu.

Ang pagpauswag sang rekрутment kag paglapad sang kahublagan nga nakasandig sang daku sa pagpapagsik sang aton rebolusyonaryong propaganda. Dapat pat-uron sang KM nga nakapahayag kag natalakay sini sang madalom ang mga talalupangdon nga isyu sa sulod kag gwa kag sang kampus. Ipaabot ang rebolusyonaryong panindugan sa malapad nga kubay sang pamatan-on kag estudyante, mamumugon, imol sa syudad, mangunguma kag iban pa nga demokratikong sektor, kag sa bilog nga pungsod. Planuhan ang pagpalapnag sang aton mga rebolusyonaryong pahayagan, paungunahan na ang pahayagan nga *Ang Bayan* kag iban pa mga rebolusyonaryong publikasyon kag pahayag. Tinguhaon nga mapailig kag mapalapnag man

ang aton rebolusyonaryong propaganda sa mga pahayagan pangkampus.

Sa ginasulong subong nga rebolusyunaryo nga kahublagan nga paglukso sang inaway banwa sa masunod nga lima ka tuig, mahatagan-tum-ok ang kakinahanhanglanon nga magpatuhaw sang ginatos ka libo nga pamatan-on nga handa mag-alagad sa interes sang pumuluyo kag magserbi sa lain-lain nga patag sang rebolusyonaryong paghimakas. Ara sa pusisyon subong ang KM kag ang rebolusyonaryong kahublagang pamatan-on nga lampasan pa ang naamot sini sadtong unang Bagyo sang Unang Kwarto sang 1970 sa unang hut-ong sang pagsulong sang rebolusyong Pilipino.

Kinahanhanglanon gid ang tuman kadamo nga pamatan-on para magbulig sa pagsulong sang lain-lain nga hilikuton sa

kahublagan nga mamumugon, kahublagan mangunguma kag lain-lain nga mga demokratikong sektor. Nagakinahanglan gid sang linibo nga pamatan-on nga handa nga mag-alagad sa lain-lain nga yunit sang Bagong Hangaway sang Banwa kag mag-amot sang ila kusog kag kinatalam sa pagpatuman sang nagadaku kag nagadamo nga mga hilikuton sa pagsulong sang armado nga paghimakas. Labi sa tanan, nagakinahanglan sang linibo nga pamatan-on para mangin katapu kag kadre sang PKP agud padayon nga mangangkon sang bag-ong dugo kag mangin mapagsik ang Partido.

Ang pagsaulog sang KM sa anibersaryo sini subong nga tuig ginahiwat kadungan sang pagsaulog sang Partido Komunista sang Pilipinas sang bilog nga pungsodnon-demokratiko nga rebolusyonaryong kahublagan sa ika-40 anibersaryo sang libro nga *Lipunan at Rebolusyong Pilipino* nga ginbalhag sang Palimbagang Sentral sang Komite Sentral sang PKP sadtong 1970. Gamiton naton ang okasyon nga ini para pauswagon ang pagtuon sang *LRP* kag Marxismo-Leninismo-Maoismo bilang ubay sa dugang nga pagpauswag sang aton mga rebolusyonaryong hilikuton.

Mabuhi ang Kabataang Makabayan!

Mabuhi ang Partido Komunista sang Pilipinas!

Mabuhi ang Bag-ong Hangaway sang Banwa!

Mabuhi ang National Democratic Front of the Philippines!

Isulong ang inaway banwa! AB

